




Cymun Bendigaid ar Gân
Yr Ugeinfed Sul wedi'r Drindod
17 Hydref 2021 am 9.15am

Cadeirlan
Deiniol Sant
ym Mangor

Saint Deiniol's
Cathedral
in Bangor

Croeso i Gadeirlan Deiniol Sant ym Mangor.



Rydych chi'n sefyll rwan
lle safodd Deiniol bron i
fileniwm a hanner yn ôl.

Yma, yn y flwyddyn
525, bu iddo gynnwll o'i
gwmpas gymuned lawn
ffydd, gobaith a chariad,
gan godi o'i chwmpas
ffens gyll—y **bangor**
gwreiddiol—iddi'n gysgod
ac yn noddfa.

Ein gweddi yw y cewch
chwithau, hefyd, eich
cofleidio yma gan yr un
ffydd, gobaith a chariad
a gyhoeddir gennym
heddiw ac sy'n ein
cyfareddu o hyd.

Cymun

Yn y Cymun hwn byddwn yn cwrdd
â'r Crist bythol atgyfodedig mewn
bara a gwin, ei Gorff a'i Waed ef yn
ein plith.

1 Wrth inni ymgynnull, byddwn yn
paratoi ein hunain i gwrdd â Christ
trwy gyffesu ein pechodau — y
ffyrdd yr ydym wedi galaru Duw yn
ein bywydau yr wythnos ddiwethaf
hon — ac yn derbyn gollyngdod, sef
sicrwydd o faddeuant Duw.

2 Yna rydyn ni'n gwrando ar
ddarlenniadau o'r Beibl, gan
ganfod yno arweiniad, her,
cysur a newydd da gan Dduw.
Ymatebwn trwy gyhoeddi ein ffydd
yn y Drindod Sanctaidd a chynnig i
Dduw ein gweddi dros bawb mewn
angen.

3 Yn galon i'n haddoliad heddiw,
byddwn yn cymryd bara a gwin,
byddwn yn gofyn am fendith
gweddnewidiol Duw arnynt, yn torri'r
bara, ac — fel aelodau o Gorff toredig,
trwsiedig Crist — byddwn yn Cymuno.

4 Daw ein haddoliad i ben wrth
inni dderbyn bendith Duw, yn
gynhaliaeth inni wrth ymadael.

Waeth pa mor bell yn ôl y
gwnaethoch hynny ddiwethaf, mae
croeso i chi Gymuno yma heddiw. Os
hoffech chi Gymuno am y tro cyntaf,
neu gael eich Bedyddio, siaradwch ag
aelod o dîm yr Gadeirlan.

Ceir ffydd, gobaith a chariad yma i
bawb.

Addoli gyda ni heddiw

Mae'r llyfryn hwn yn cynnwys popeth a ddywedir ac a genir yn ystod ein haddoliad heddiw. Fe'ch gwahoddir i fynd â'r llyfryn adref gyda chi, i fyfyrion yn eich amser eich hun ar y geiriau sanctaidd sydd ynddo. Fodd bynnag, nid darllen neu arsylwi ydi addoli – ond gweithgaredd, a ninnau'n cymryd rhan, ochr yn ochr â'r rhai sy'n cynnull gyda ni ac, y tu hwnt i hynny, ochr yn ochr â llu'r nef i gyd. Dyrchefwch, felly, eich llygaid; sylwch ar liw, golau, sain, symudiad a harddwch; codwch eich llais; cyfranogwch yn yr hyn a fydd yn eich gweddnewid, o roi iddo'r cyfle.

Yn ystod ein haddoliad, rydyn ni'n dweud ac yn canu gyda'n gilydd y testun **mewn teip trwm**. Darperir cyfieithiadau o ieithoedd tramor. Mae croeso ichi wneud arwydd o'r Groes pan fydd y geiriau wedi'u marcio ag ✠. Cynigir cyfarwyddiadau eraill (rhuddellau) **mewn teip coch**; os ydych chi'n ei chael hi'n fwy cyfforddus, eisteddwch yn hytrach na sefyll neu benlinio.

Rhagofalon Cofid

Mae'n ofyniad cyfreithiol gwisgo gorchudd wyneb. Mae'r gofyniad yn gymwys i bawb 11 oed a throsodd onibai bod gennych reswm.

Rydyn ni wrth ein bodd bod pawb bellach yn cael canu, ond gofynnir i bawb heblaw'r Côr ganu y tu ôl i'w gorchudd wyneb.

Fe'ch gwahoddir i ddarparu manylion Profi Olrhain Amddiffyn. Ceir codau QR ger y drysau.

Byddwch yn ystyriol a pharchus tuag at eraill, gan gadw pellter priodol. Mae'r seddi yn yr eiliau yn cynnig mwy o le i ymbellhau.

Plant a theuluoedd ifanc

Ceir gweithgareddau a chrefftau yn ystod y Cymun Bendigaid ar Gân bob dydd Sul yng Nghapel Mair, ar gyfer unrhyw blant hyd at 11 oed. Mae'r crefftau a'r gweithgareddau yn amrywiol, gydag o leiaf un yn ymwneud â thema'r Cymun ei hun. Caiff y gofod hwn yn cael ei staffio gan oedolion cyfrifol, a bydd plant dros 5 oed yn gallu mynd a dod. Bydd plant yn parhau i fod yn gyfrifoldeb eu rhieni neu eu gwarcheidwaid bob amser. Yn y lle cyntaf, dylai plant sy'n 4 oed ac iau fod yng nghwmni rhiant neu warcheidwad oni bai bod trefniant ymlaen llaw gyda'r rhai ar ddyletswydd wedi'i wneud.

Diogelu

Mae diogelu plant ac oedolion sydd mewn perygl yn hanfodol, ac rydym wedi ymrwymo i feithrin amgylchedd lle mae pawb yn gallu addoli a chymryd rhan ym mywyd Cadeirlan Deiniol Sant yn ddiogel. Os oes gennych unrhyw bryderon, codwch nhw ar unwaith gydag aelod o dîm y Gadeirlan.

Hygyrchedd

Mae dolen glyw ar waith – gosodwch gymhorthion clyw i'r lleoliad T.

Mae copïau print bras o'r llyfryn hwn ar gael gan y stiwardiaid.

Mae tai bach ym mhen dwyreiniol y Gadeirlan, trwy'r drws i'r chwith o'r sgrin y Cwîr.

Os bydd angen i ni adael y Gadeirlan mewn argyfwng, arhoswch ar eich heistedd a dilynwch gyfarwyddiadau'r stiwardiaid.

Hysbys wythnosol

Goleuadau yng Nhorff yr Eglwys a'r Eiliau

Rydym yn falch iawn y bydd gwaith yn cychwyn yn ystod yr wythnos sy'n dechrau 31 Hydref i adnewyddu'r goleuadau yng Nghorff yr Eglwys a'r Eiliau, gan osod gwifrau newydd hefyd. Nid yw'r gwaith hwn yn ailweirio cyflawn a pharhaol yng Nghorff yr Eglwys a'r Eiliau – rhaid i hynny ddisgwyl am brosiect mwy cynhwysfawr. Yn anffodus, mae hyn yn golygu y bydd peth o'r gwifrau newydd yn fwy amlwg; fodd bynnag, mae'r angen am oleuadau sy'n gweithio yn golygu bod hwn yn bris sy'n werth ei dalu, a bydd yn sbardun i brosiect mwy. Mae'r goleuadau newydd eu hunain yn amnewidiadau parhaol a byddant ychydig yn gweddu ffabrig y Gadeirlan ychydig yn well na'r rhai sydd ar yno ar hyn o bryd. Byddant hefyd yn sylweddol fwy cyfeillgar i'r amgylchedd. Bydd angen codi twr sgaffaldiau symudol tra bydd y gwaith yn digwydd – a fydd yn achosi rhywfaint o anghyfleustra na ellir ei osgoi. Bydd hefyd yn caniatáu mynd i'r afael â rhai ardaloedd o afliwiad a achoswyd gan dreiddiad dŵr hanesyddol yn yr uchderau. Mae hwn i gyd yn waith costus – cofiwch hyn, please, o ran eich cefnogaeth ariannol i'r Gadeirlan.

Canopi Gwyrdd y Frenhines

Menter plannu coed yw Canopi Gwyrdd y Frenhines a grëwyd i nodi Jiwbilf Platinwm Ei Mawrhydi Y Frenhines yn 2022. Mae llw o bobl,

o unigolion i grwpiau cymunedol, pentrefi, dinasoedd, siroedd, ysgolion a chwmnïau, yn cael eu hannog i chwarae eu rhan i wella ein hamgylchedd trwy blannu coed yn ystod y tymor plannu swyddogol rhwng Hydref 2021 a Mawrth 2022. Rydym yn falch iawn bod Arglwydd Raglaw Ei Mawrhydi dros Wynedd, Edmund Seymour Bailey, wedi rhoi coeden i'r Gadeirlan, i'w phlannu yng Nghlos y Gadeirlan ar ran ysgolion cynradd Bangor. Cynhaliwyd y seremoni blannu, ym mhresenoldeb yr Arglwydd Raglaw, Cadeirydd Cyngor Gwynedd, a phartïon o blant o ysgolion cynradd Bangor, y dydd Gwener diwethaf hwn. Plannwyd y goeden i'r dwyrain o ffenestr ddwyreiniol y Gadeirlan. Cymerodd yr Is-Ddeon a'r Canon Bywyd Gynulleidfaol ran yn y ddefod, a defnyddiwyd y weddi sy'n dilyn. Rydym yn ddiolchgar i'n ffrindiau o Ymddiriedolaeth Archeolegol Gwynedd, a oedd wrth law i oruchwylio cloddio'r twll mewn darn o dir sy'n sensitif yn archeolegol.

Hollalluog Dduw, rwyf ti'n ein dysgu bod dy ffordd di, dy ddyfodol i ni, fel yr hedyn mwstard – yn fach yn ein dwylo, ond yn llawn addewid, yn esgor ar goeden nerthol sy'n cysgodi adar yr awyr a chreaduriaid y ddaear.

Rydyn ni'n diolch i ti am Ei Mawrhydi Y Frenhines – am ei bywyd o wasanaeth dan gysgod dy adain; am sefydlogrwydd ei theyrnasiad, gan gysgodi ein cenhedloedd. Rydyn ni'n diolch i ti am dy greadigaeth, dy loches i ni, a roddwyd i ni fel ein cartref daearol; yn amdo y mae gennym ofal amdano, i gysgodi cenedlaethau'r dyfodol yn eu tro.

✠ Bendithia'r goeden hon – yn arwydd i ni o addewid bywyd newydd; o'n stiwardiaeth dros y greadigaeth; ac o ganghennau ffyddlondeb, cariad a dyletswydd sy'n ein clymu ni i'n gilydd yn y Deyrnas hon, yn ein cymuned, yn ein

hysgolon, ac yn dy wasanaeth, yn awr ac am yr oesoedd i ddod;

Trwy Iesu Grist ein Gwaredwr.

Amen.

Cymun Bendigaid dros y meirw

Offrymwyd y Cymun Bendigaid a ddathlwyd am 12.30pm ddoe, dydd Sadwrn 16 Hydref, dros yr ymadawedig. Roedd y diweddar Syr David Amess ymhlith y rhai fu yn ein gweddïau. Mae'n dda medru cynnig Cymun beunyddiol yn y Gadeirlan, lle gellir cyflwyno anghenion yr Eglwys a'r byd gerbron Duw. Ymunwch â ni pan fyddwch chi'n gallu.

Defodau mis Tachwedd

Rhowch y Cymun Bendigaid ar Gân Dros y Meirw, am 5.30pm ddydd Iau 4 Tachwedd, pan fyddwn yn cadw Coffadwriaeth yr Holl Eneidiau, yn eich dyddiaduron. Sylwch hefyd, ar Sul y Cofio 14 Tachwedd, bod ein gwasanaethau Cymun corawl yn cael eu disodli gan Wasanaeth Coffa am 10am, a fydd yn diweddu wrth y Gofeb.

Cyfarfod Cynulleidfaol

Bydd Cyfarfod Cynulleidfaol, fydd yn canolbwyntio ar gynigion i warchod ac adnewyddu Cadeirlan Deiniol Sant wrth inni baratoi i ddathlu mileniwm a hanner ers ei sefydlu, yn cael ei gynnal yn y Gadeirlan am **5.30pm ar ddydd Iau 21 Hydref**.

Yn ein gweddïau

Oddi mewn i'n hesgobaeth Ardal Weinidogaeth Bro Gwydyr

Yn glâf Lis Perkins

A fu farw'n ddiweddar Mark McIntosh, offeiriad; David Amess

Gŵyl goffa Lisa Murray (19)

Cefnogaeth

Caiff y fangre sanctaidd hon llawn ffydd, gobaith a chariad, a phopeth sy'n digwydd yma, ei chynnal gan eich haelioni chi.

1 I roi rhodd ar-lein ar eich ffôn heddiw, sganiwch y cod QR isod.

2 I sefydlu rhodd Debyd Uniongyrchol misol, gyda'r opsiwn i ychwanegu Cymorth Rhodd, chwiliwch ar-lein am "Eglwys yng Nghymru Rhoi yn Syth" a dewis "Bro Deiniol" o dan "Buddiolwr".

3 Mae basged i gasglu rhoddion yng nghefn Corff yr Eglwys fore heddiw.


Trwy roi rhodd, byddwch yn ein helpu i barhau â'n gwaith hanfodol.

Atgyweirio hanfodol

Dros y misoedd i ddod, rydym yn wynebu costau atgyweirio sylweddol iawn. Bydd angen i ni wario £22,000 ar waith iechyd a diogelwch brys – disodli rhai gwifrau trydanol hynafol, gosod mân daclau golau newydd, a diogelu'r adeilad gyda system canfod tân. Bydd angen i ni hefyd wario £18,000 ychwanegol ar waith strwythurol a gwaith adfer – gan atal treiddiad dŵr niweidiol pellach yn Nhŵr Skeffington a Thŵr Scott, ailaddurno wal yr eil ddeheuol, ac ail-baentio wynebâu'r cloc a drysau'r Gadeirlan. Os gallwch chi helpu gyda rhodd arbennig, waeth pa mor fawr neu fach, siaradwch ag aelod o dîm y Gadeirlan.



Trefn y gwasanaeth



Rhagarweiniad ar yr organ

Prière à Notre-Dame, Léon Boëllmann (1862-1897)

Wedi'r hysbysiadau, codwn ar ein traed ar ganiad y gloch



Cynnull

Emyn



Chwi, eneidiau, pam y crwydrwch
fel tarfedig braidd o dref?

Ffôl galonnau, pam y cefnwch
ar ei ryfedd gariad ef?

A fu cyn dirioned Bugail,
neb erioed mor fwyn ei fryd
a'r Gwaredwr a fu'n gwaedu
er mwyn casglu'i braidd ynghyd?

Mae'i drugaredd ef yn llydan,
mae yn llydan fel y môr;
ac mae gras sydd fwy na rhyddid
yng nghyfiawnder cyfraith lôr.
Cans mae cariad Duw'n ehangach
na doethineb eitha'r byd,
ac mae calon yr Anfeidrol
yn rhyfeddol fwyn o hyd.

Y mae cyflawn waredigaeth
yn yr hwn fu ar y pren;
mae gorfoledd i'w holl Eglwys
yng ngofidiau Crist, ei Phen.
Pe bai'n cariad yn fwy didwyll,
digon fyddai'i air i ddyn;
byddai'n hoes yn llawn hyfrydwch,
yn hyfrydwch Duw ei hun.

Geiriau
Frederick William Faber (1814-63)
Cyfieithiad
J. T. Job (1867-1938)
Cerddoriaeth | "Coverdale"
Maurice Bevan (1921-2006)

Parhawn ar ein traed tan ddiwedd y Weddi Gasgl

Cyfarchiad

✠ Yn enw'r Tad, a'r Mab, a'r Ysbryd Glân.
Amen.

Gras a thangnefedd a fo gyda chwi.
A'th gadw di yng nghariad Crist.

"A phan oedd eto ymhell i ffwrdd, gwelodd ei dad ef. Tosturiodd wrtho, rhedodd ato, a rhoes ei freichiau am ei wddf a'i gusanu."

Cyffes

Gan gynnull i ddathlu'r Cymun Bendigaidd er gogoniant i Dduw,
ymbaratown gan gyffesu ein pechodau,

ni sy'n gwastraffu'n rhoddion a'n doniau;
ni sy'n meithrin cenfigen a drwgdeimlad yn ein calonnau;
ni sy'n sychedu am dosturi y Tad.

Cyd-weddiwn.

**Dad nefol,
yr ydym wedi pechu ar feddwl, gair a gweithred,
a heb wneud yr hyn a ddylem.**

**Mae'n wir ddrwg gennym,
ac yr ydym o ddifrif yn edifarhau.
Er mwyn dy Fab Iesu Grist a fu farw drosom,
maddeua inni'r cwbl a aeth heibio
ac arwain ni yn ei ffordd ef
i gerdded fel plant y goleuni.
Amen.**

Yr hollalluog Dduw a drugarhao wrthych,
✠ maddau ichwi a'ch rhyddhau o bechod,
a'ch cadw yn y bywyd tragwyddol.

Amen.

Kyrie eleison

Kyrie eleison. Christe eleison. Kyrie eleison.

Arglwydd, trugarha. Crist, trugarha.

Arglwydd, trugarha.

Cerddoriaeth

Offeren Glyn Rhosyn, Meirion Wynn Jones

Gweddi Gasgl

Gweddiwn.

Hollalluog Dduw, sy'n dangos i'r sawl sydd ar gyfeiliorn lewyrch
dy wirionedd i'w dwyn i ffordd cyfiawnder: caniatâ i bawb a
dderbynnir i gymdeithas crefydd Crist allu cefnu ar bob peth
sy'n groes i'w proffes, a dilyn yr hyn oll sy'n gytûn â hi; trwy Iesu
Grist ein Gwaredwr.

Amen.

Gair

Salmyddiaeth



Darlleniad

Darlleniad o Lythyr Sant Paul at y Rhufeiniaid.

Garedigion: Pan oeddech yn gaeth i bechod, yr oeddech yn rhydd oddi wrth gyfiawnder. Ond beth oedd ffrwyth y cyfnod hwnnw? Onid pethau sy'n codi cywilydd arnoch yn awr? Oherwydd diwedd y pethau hyn yw marwolaeth. Ond yn awr yr ydych wedi eich rhyddhau oddi wrth bechod, a'ch gwneud yn gaethion i Dduw, ac y mae ffrwyth hyn yn eich meddiant, sef bywyd sanctaidd, a'r diwedd fydd bywyd tragwyddol. Y mae pechod yn talu cyflog, sef marwolaeth; ond rhoi yn rhad y mae Duw, rhoi bywyd tragwyddol yng Nghrist Iesu ein Gwaredwr.

Clywch air bywyd i'n byd.

Diolch a fo i Dduw.

Rhufeiniaid 6:20-23

Codwn ar ein traed, gan droi i wynebu'r Efengyllydd yng Nghorff yr Eglwys

Efengyl



Cana'r Cor

V Halelwia. Halelwia. Halelwia.

Ymatebwn

R Halelwia. Halelwia. Halelwia.

Fy mhlentyn, yr wyt ti bob amser gyda mi,
ac y mae'r cwbl sydd gennyf yn eiddo i ti.

R Halelwia. Halelwia. Halelwia.

Gras a thangnefedd a fo gyda chwi.

A'th gadw di yng nghariad Crist.

Gwrandewch yr Efengyl Sanctaidd yn ôl ✠ Sant Luc.

Gogoniant i ti, O Grist.

Bryd hynny: Meddai Iesu wrth y Phariseaid a'r ysgrifenyddion, "Yr oedd dyn a chanddo ddau fab. Dywedodd yr ieuengaf ohonynt wrth ei dad, 'Fy nhad, dyro imi'r gyfran o'th ystad sydd i ddod imi.' A rhannodd yntau ei eiddo rhyngddynt. Ychydig ddyddiau yn ddiweddarach, wedi newid y cwbl am arian, ymfudodd y mab ieuengaf i wlad bell, ac yno gwastraffodd ei eiddo ar fyw'n afradlon. Pan oedd wedi gwario'r cyfan, daeth newyn enbyd ar y wlad honno, a dechreuodd yntau fod mewn eisiau. Aeth ac ymlynu wrth un o ddinasyddion y wlad, ac anfonodd hwnnw ef i'w gaeau i ofalu am y moch. Buasai'n falch o wneud pryd o'r plisg yr oedd y moch yn eu bwyta; ond nid oedd neb yn cynnig dim iddo. Yna daeth ato'i hun a dweud, 'Faint o weision cyflog sydd gan fy nhad, a phob un ohonynt yn cael mwy na digon o fara, a minnau yma yn marw o newyn? Fe godaf, ac fe af at fy nhad a dweud wrtho, "Fy nhad, pechais yn erbyn y nef ac yn dy erbyn di. Nid wyf mwyach yn haeddu fy ngalw'n fab iti; cymer fi fel un o'th weision cyflog." ' Yna cododd a mynd at ei dad. A phan oedd eto ymhell i ffwrdd, gwelodd ei dad ef. Tosturiodd wrtho, rhedodd ato, a rhoes ei freichiau am ei wddf a'i gusanu. Ac meddai ei fab wrtho, 'Fy nhad, pechais yn erbyn y nef ac yn dy erbyn di. Nid wyf mwyach yn haeddu fy ngalw'n fab iti.' Ond meddai ei dad wrth ei weision, 'Brysiwch! Dewch â gwisg allan, yr orau, a'i gosod amdano. Rhowch fodrwy ar ei fys a sandalau am ei draed. Dewch â'r llo sydd wedi ei besgi, a lladdwch ef. Gadewch inni wleda a llawenhau, oherwydd yr oedd hwn, fy mab, wedi marw, a daeth yn fyw eto; yr oedd ar goll, a chafwyd hyd iddo.' Yna dechreusant wleda yn llawen. Yr oedd ei fab hynaf yn y caeau. Pan nesaodd at y tŷ ar ei ffordd adref, clywodd sŵn cerddoriaeth a dawnsio. Galwodd un o'r gweision ato a gofyn beth oedd ystyr hyn. 'Dy frawd sydd wedi dychwelyd,' meddai ef wrtho, 'ac am iddo ei gael yn ôl yn holliach, y mae dy dad wedi lladd y llo oedd wedi ei besgi.' Digiodd ef, a gwrthod mynd i mewn. Daeth ei dad allan a'i gymell yn daer i'r tŷ, ond atebodd ef, 'Yr holl flynyddoedd hyn bŵm yn was bach iti, heb anufuddhau erioed i'th orchymyn. Ni roddaist erioed i mi gymaint â myn gafr, imi gael gwleda gyda'm cyfeillion. Ond pan ddychwelodd hwn, dy fab sydd wedi difa dy eiddo gyda phuteiniaid, lleddaist iddo ef y llo oedd wedi ei besgi.' 'Fy mhlentyn,' meddai'r tad wrtho, 'yr wyt ti bob amser gyda mi, ac y mae'r cwbl sydd gennyf yn eiddo i ti. Yr oedd yn rhaid gwleda a llawenhau, oherwydd yr oedd hwn, dy frawd, wedi marw, a daeth yn fyw; yr oedd ar goll, a chafwyd hyd iddo.'"

Luc 15:11-32

Dyma Efengyl ein Gwaredwr.

Moliant i ti, O Grist.

Eisteddwn ar gychwyn y bregeth

Pregeth

Yr Is-Ddeon

Ar derfyn y bregeth, codwn ar ein traed

Credo

Ar y cyd, gadewch inni gadarnhau ein ffydd.

**Yr wyf yn credu ac yn ymddiried yn Nuw Dad,
a greodd bopeth sydd.**

**Yr wyf yn credu ac yn ymddiried yn ei Fab Iesu Grist,
a brynodd ddynolryw.**

**Yr wyf yn credu ac yn ymddiried yn ei Ysbryd Glân,
sy'n rhoi bywyd i bobl Dduw.**

**Yr wyf yn credu ac yn ymddiried yn un Duw,
Dad, Mab ac Ysbryd Glân.
Amen.**

Ymbiliau

Gyda'n holl galon a'n holl feddwl gweddïwn ar Dduw.

Eisteddwn neu benliniwn

Defnyddiwn yr ymatebion

Y O Dduw, yn dy drugaredd,
R Gwrando ein gweddi.

Y Gorffwys tragwyddol dyro iddynt, O Dduw.
R A llewyrched goleuni gwastadol arnynt.

Y ✕ Gorffwysed hwy mewn tangnefedd.
R A chyfodi mewn gogoniant.

Y Dad trugarog,
 R Derbyn y gweddiau hyn
 er mwyn dy Fab, ein Gwaredwr Iesu Grist.
 Amen.

Codwn ar ein traed

Cymun

Emyn



Rhyfeddol ras! O'r fendith dlos
 achubodd walch fel fi;
 ar goll, fe'm caed, ac ar fy nos
 fe dorrodd gwawr yn lli.

Gras 'ddysgodd ofn i'm calon goll,
 gras 'chwalodd f'ofnau lu;
 o awr y credu cyntaf oll,
 ras yw fy nhrysor cu.

Addawodd f'Arglwydd im bob da,
 a'i air yw 'ngobaith hael;
 yn rhan a tharian y parha
 tra pery f'einioes wael.

**Pan dderfydd ynni calon gnawd,
a'm bywyd yma ar ben,
tragwyddol hedd a fydd i'm rhawd,
gorfoledd hwnt i'r llen.**

**A ninnau yno, oesau'r rhod,
fel disglair haul yn byw,
ni dderfydd byth ddyrchafu clod
a mawl i'n Harglwydd Dduw.**

Geiriau

John Newton (1725-1807)

Cyfieithiad

Dafydd Owen (1919-2002)

Cerddoriaeth | "Amazing Grace"

Alaw Americanaidd

Parhawn ar ein traed tan y rhannwn y Tangnefedd

Offrwm

Deuwn i'r fangre hon â'r bara sy'n gynhaliaeth.

Fe ddaw inni'n fara'r bywyd.

Deuwn i'r fangre hon â'r gwin sy'n mwyneiddio.

Fe ddaw inni'n waed einioes y byd.

Gweddi Ewcharistaidd

Gras a thangnefedd a fo gyda chwi.

A'th gadw di yng nghariad Crist.

Dyrchefwch eich calonnau.

Yr ydym yn eu dyrchafu at yr Arglwydd.

Diolchwn i'r Arglwydd ein Duw.

lawn yw rhoi ein diolch a'n clod.

lawn yn wir, ein dyletswydd a'n llawenydd bob amser ac ym mhob lle, yw diolch i ti, Dad Sanctaidd, hollalluog a bythfywiol Dduw, trwy Iesu Grist ein Harglwydd.

Sydd trwy ei angau ei hun wedi dinistrio angau, a thrwy ei atgyfodiad i fywyd wedi adfer i ni fywyd tragwyddol.

Felly, gyda llu'r angylion a holl gwmpeini'r nef, cyhoeddwn ogoniant dy enw ac ymuno â hwy yn eu hemyn diderfyn o fawl:

Sanctaidd, sanctaidd, sanctaidd Arglwydd, Duw gallu a nerth, nef a daear sy'n llawn o'th ogoniant. Hosanna yn y goruchaf.

✠ Bendigedig yw'r hwn sy'n dyfod yn enw'r Arglwydd. Hosanna yn y goruchaf.

Cerddoriaeth

Offeren Glyn Rhosyn, Meirion Wynn Jones

Pob moliant a diolch i ti, y gwir a'r bywiol Dduw, Crëwr pob peth, Rhoddwr bywyd. Lluniaist ni ar dy ddelw dy hun, ond yr ydym ni wedi difwyno'r ddelw honno a syrthio'n brin o'th ogoniant. Rhoddwn ddiolch i ti am anfon dy Fab i rannu ein bywyd ni; fe'i hildiaist i farwolaeth fel y câ'r byd ei achub, a'i atgyfodi oddi wrth y meirw fel y bo i ni fyw ynddo ef, ac yntau ynom ninnau.

Sancteiddia â'th Ysbryd y bara hwn a'r gwin hwn, dy roddion inni, fel y bônt i ni yn gorff a gwaed ein Hiachawdwr, Iesu Grist.

Y nos y bradychwyd ef, cymerodd fara ac, wedi rhoi diolch, fe'i torrodd a'i roi i'w ddisgyblion, gan ddweud, Cymerwch, bwytwch; hwn yw fy nghorff a roddir drosoch: gwnewch hyn er cof amdanaf. ✠

Yr un modd ar ôl swper cymerodd y cwpan, ac, wedi rhoi diolch, fe'i rhoddodd iddynt, gan ddweud, Yfwch o hwn bawb, oherwydd hwn yw fy ngwaed o'r cyfamod newydd a dywelltir drosoch a thros lawer er maddeuant pechodau: gwnewch hyn bob tro yr yfwch ef er cof amdanaf. ✠

Gadewch inni gyhoeddi dirgeledd y ffydd:

Bu farw Crist.

Atgyfododd Crist.

Daw Crist mewn gogoniant.

Fel y gorchmynnodd ef inni, O Dad, yr ydym yn cofio Iesu Grist, dy Fab. Gan gyhoeddi ei farwolaeth fuddugoliaethus, a chan ymlawenhau yn ei atgyfodiad, a disgwyl iddo ddod mewn gogoniant, deunw â'r bara hwn a'r cwpan hwn i ti. Derbyn ein haberth o ddiolch a moliant.

Adfer ac adfywia dy holl bobl, adnewyddu ni a phawb y gweddiwn trostynt â'th ras a'th ✠ fendith nefol a derbyn ni yn y diwedd gyda'th holl saint i'r llawenydd diderfyn hwnnw a addawyd inni gan dy Fab, ein Harglwydd Iesu Grist.

Trwyddo ef, gydag ef, ynddo ef, yn undod yr Ysbryd Glân, eiddot ti, Dad hollalluog, yw pob anrhydedd a gogoniant, yn oes oesoedd.

✠ **Amen.**

Parhawn ar ein traed

Gweddi'r Arglwydd

Fel y dysgodd ein Hiachawdwr ni, gweddiwn yn hyderus:

Ein Tad, yr hwn wyt yn y nefoedd, sancteiddier dy enw, deled dy deyrnas, gwneler dy ewyllys; megis yn y nef, felly ar y ddaear hefyd. Dyro i ni heddiw ein bara beunyddiol a maddau i ni ein dyledion, fel y maddeuwn ninnau i'n dyledwyr. Ac nac arwain ni i brofedigaeth; eithr gwared ni rhag drwg. Canys eiddot ti yw'r deyrnas, a'r gallu, a'r gogoniant, yn oes oesoedd. **Amen.**

Tangnefedd

Fel y daw'r gwenith sy'n wasgar yn y meysydd yn un bara, geilw ynghyd dy bobl i fod yn un gymdeithas fawr ger dy fron; dy gorff torredig yn gyflawn mewn tangnefedd.

Tangnefedd y Bythol Dduw a fo gyda chwi bob amser.

A'th gadw di ynghariad Crist.

Rhannwn arwydd o Dangnefedd; yna penliniwn neu eisteddwn

Torri

Iesu, Oen Duw: trugarha wrthym.

Iesu, sy'n dwyn ein pechodau: trugarha wrthym.

Iesu, iachawdwr y byd: dyro inni dy dangnefedd.

Cerddoriaeth

Offeren Glyn Rhosyn, Meirion Wynn Jones

Cymuno

✠ Iesu yw Oen Duw sy'n dwyn ymaith bechodau'r byd.
Gwyn eu byd y rhai a elwir i'w swper.

**Waredwr, nid wyf yn deilwng i'th dderbyn,
ond dywed y gair a chaf fy iacháu.**

Deuwn i Gymuno o'r Aafrlladen Sagrafennol yn unig ar hyn o bryd

Anthem

Cana'r Côr

Yr Arglwydd yw fy mugail, ni'm gâd mewn rhaid. Fe bair ef i mi orwedd mewn glas ddolydd: fe'm tywys i gerllaw y claer ddyfroedd; mae'n adferyd fy nerth. Fe'm harwain i hyd ei lwybrau cyfiawn ef er mwyn ei enw. Er i mi fynd trwy y dyffryn a chysgodion y bedd, ni fydd ofn un niwed. Rwyt ti gyda mi; dy wialen a'th ffon rydd gysur i mi. Fe ddaperi di fwrdd o'm blaen i gerbron wyneb fy ngelynion lu. Rhoddi olew i iro'm pen, a'm cwpan sydd orlawn. Bydd daioni a chariad yn dilyn o'm hôl holl ddyddiau f'oes, ac fe breswyliaf yn nhŷ fy Nuw byth bythoedd. Boed gogoniant i'n Harglwydd, ac i'w Fab, ac i'r Ysbryd Glân, fel yr oedd yn y dechreuad, y mae, ac y bydd hyd byth, heb ddiwedd mwy. Amen.

Geiriau

Salm 23; Gwilym H. Jones (1930-2018)

Cerddoriaeth

Dilys Elwyn-Edwards (1918-2012)

Ar ôl i bawb Gymuno, safwn i ganu'r emyn



Gariad dwyfol uwch bob cariad,
 londer nefoedd, tyrd i lawr;
 ynom ninnau gwna dy drigfa,
 a chorona d'arfaeth fawr;
 lesu, llawn tosturi ydwyt,
 cariad annherfynol pur,
 moes i ni dy iachawdwriaeth,
 tyrd i esmwytháu ein cur.

Tyrd, anfeidrol i waredu,
 rho dy ras i'th bobl i gyd;
 dychwel atom ni yn ebrwydd,
 yn dy demlau trig o hyd;
 mynnem beunydd dy fendithio,
 megis yn dy eglwys fry,
 i'th foliannu fyth heb dewi,
 morio yn dy gariad cry'.

Gorffen mwy dy gread newydd,
pur di-fai y byddom ni,
dyro weld dy iachawdwriaeth
wedi'i hadfer ynot ti;
cawn ein gwisgo â gogoniant
nes meddiannu'r nefol wlad,
iidio'n coron ac ymgolli
mewn rhyfeddod a mawrhad.

Geiriau

Charles Wesley (1707-1788)

Cyfieithiad

Gwilym R. Tilsley (1911-1997)

Cerddoriaeth | "Blaenwern"

William Penfro Rowlands (1860-1937)

Parhawn ar ein traed

Gweddi ôl-Gymun

Cyd-weddiwn.

Yr hyn a gymerasom â'n genau,
Dyro i ni' dderbyn â chalon lân;

Ac o fod yn rhodd dymhorol,
Boed i ni'n feddyginiaeth dragwyddol.



Ymadael

Gras a thangnefedd a fo gyda chwi.

A'th gadw di yng nghariad Crist.

Bendith Duw hollalluog, y Tad, ✠ y Mab, a'r Ysbryd Glân
a fo yn eich plith ac a drigo gyda chwi yn wastad.

Amen.

Awn ymaith mewn tangnefedd.

Yn Enw Crist. Amen.

Parhawn ar ein traed hyd nes i'r gweinidogion ymadael

Mae croeso cynnes i chi aros am baned yng nghefn Corff yr Eglwys

Offrymddarn ar yr organ

Offrymddarn XI, William Russell (1777-1813)



Cadeirlan Deiniol Sant ym Mangor

Is-Ddeon

Canon Siôn B. E. Rhys Evans

sionrhys@eglwysyngnghymru.org.uk

Canon Bywyd Cynulleidfaol

Canon Tracy Jones

tracyjones@eglwysyngnghymru.org.uk

Cyfarwyddwr Cerdd

Joe Cooper

joecooper@eglwysyngnghymru.org.uk

Organydd

Martin Brown

martinbrown@eglwysyngnghymru.org.uk

Gweinidog Teulu

Naomi Wood

naomiwood@eglwysyngnghymru.org.uk

Darllenydd ac Ystylydd

Elma Taylor

Canon Emeritws

Canon Angela Williams

Pensaer y Gadeirlan

Simon Malam

Cabidwl y Gadeirlan

Archddiacon Bangor

Yr Hybarch Mary Stallard

Archddiacon Meirionnydd

Yr Hybarch Andrew Carroll Jones

Archddiacon Ynys Môn a

Phrebendari Llanfair

Yr Hybarch Andy Herrick

Prebendari Penmynydd

Canon Dylan Williams

Canon Drysorydd

Canon Siôn B. E. Rhys Evans

Canon Ganghellor

Canon Emlyn Cadwaladr Williams

Canon Bencantor

Canon Robert Townsend

Canon Primus

Canon Tracy Jones

Canon Tertius

Canon Kim Williams

Canon Quintus

Canon Alan Gyle

Canon Mygedol

Canon Jane Coutts

Canon Mygedol

Canon Janet Gough


Canon Mygedol

Canon Nick Golding

Clerc y Cabidwl

Robert Jones

robertjones@eglwysyngnghymru.org.uk



Cynaliadwyedd a chaniatâd

Rydym yn defnyddio papur bioddiraddadwy, teneuach na'r arfer, wedi'i wneud o goedwigoedd adnewyddadwy wedi'u plannu, sy'n storio carbon.

Caiff rhai o'n gwasanaethau'n eu ffrydio ar Facebook o gamera ym mhen dwyreiniol Corff yr Eglwys sy'n wynebu'r dwyrain, ac mae'r recordiad ar gael wedi hynny ar dudalen Facebook y Gadeirlan. Efallai y bydd ffotograffydd swyddogol ar ddyletswydd. Mae eich presenoldeb yn gyfystyr â'ch caniatâd i gael eich cynnwys mewn unrhyw fflmio, tynnu lluniau, recordio sain neu ddarlledu. Os nad ydych am i ffotograff ohonoch chi neu blentyn yn eich gofal gael ei ddefnyddio gan y Gadeirlan, siaradwch ag aelod o dîm y Gadeirlan.

Cydnabyddiaethau

Atgynhyrchir deunydd yn y drefn hon o wasanaeth o dan CLL 280874. Mae'r gwasanaeth hwn yn cynnwys rhannau o'r **Drefn ar gyfer y Cymun Bendigaid 2004** hawlfraint © Gwasg yr Eglwys yng Nghymru 2004 Mae'r llithoedd a'r salmyddiaeth Gymraeg yn seiliedig ar **The New Revised Standard Version of the Bible** ac **Y Beibl Cymraeg Newydd: Argraffiad Diwygiedig**. Daw cytgan y salmyddiaeth Gymraeg o Nicander, **Y Psallwyr** (1850) a'r salmyddiaeth Saesneg o **The Saint Helena Breviary** (2019).

Ar y clawr mae gwydr lliw (y Mab Afradlon yn hapchwarae) o'r unfed ganrif ar bymtheg yn Amgueddfa'r Met.